



FELCO
Federation dels Ensenhaires
de Lengua e Cultura d'Òc

Aquitània, Auvergne, Ile de France, Languedoc, Limousin, Midi-Pyrénées, Provence-Alpes-Côte d'Azur, Rhône-Alpes

Butletín n°214
09/11/2006

1- Rampèl AG de la FELCO :

dissabte 25 / 11 / 2006

14 oras - Universitat Paul Valéry Montpellier
sala A 105

O.J. :

- rapòrt moral : las accions de l'annada 2005-2006
- rapòrt financièr
- budgècte previsionnal
- bilanç de la situacion de nòstre ensenhament
- lo foncionament associatiu – flaquesas e avançadas
- las accions de menar
- questions diversas (sètz pregar de demandar lor inscripcion a l'OJ lo mai lèu possible)

2- après Carcassona 2005, Besièrs 2007 capitar totes ensemble !

Anem ! Per la Lengua Occitana Òc !

14, Avenguda Estève d'Orves — BP 60011— 34501 BESIÈRS Cedex —
Tel/fax 04 67 31 18 91 — 06 86 00 66 39 - www.manifestarperloccitan.com

Anem ! Òc! Per la lenga occitana !

MANIFESTACION A BESIÈRS 2007 , lo dissabte 17 de març de 2007

Cars amics,

La manifestacion de Besièrs se prepara. Dempuèi quauques meses ja lo Comitad de la Crida s'amassa regularament. Sèm dintrats ara dins la fasa de mobilizacion.

Avèm besonh de totes per far de Besièrs una granda capitada. Lo 17 de març devèm èstre encara mai nombroses que lo 22 d'octobre de 2005 a Carcassona.

Devèm mostrar nòstra determinacion a obtenir una politica en favor de la lenga occitana e a obtenir la mesa en plaça de mesuras que repondràn a nòstras reivindicacions.

Lo collectiu organizator vos convida a prendre d'iniciativas per far conèisser la manifestacion.

Vos convidam tanben a nos prepausar d'animacions, d'accions que poiràn mediatizar la jornada del 17 de març. Cadun dins son vilatge, dins sa vila pòt far quicòm.

Cadun pòt contactar d'elegits e lor far signar lo tèxte de la crida que trobaretz sus [www://manifestarperloccitan.com](http://www.manifestarperloccitan.com).

Cadun pòt reculhir lo sosten e la participacion de las associacions localas de son endrech, de personalitats, de responsables sindicals o associatius...

Pensatz de comunicar aqueles sostens al comitat d'organizacion.

D'unes nos prepausan de menar tala o tala accion quelques jorns abans lo 17 de març. D'autres nos prepausan de causas pel jorn de la manifestacion. Totas las idèas seràn planvengudas.

Un coordinator, Miquèl Còsta, es disponible per vos informar e per vos permetre de dispausar del material necessari (afichas, desplegants...).

Donarem al mai lèu d'informacions suls eveniments que seràn organizats per mediatizar la manifestacion. N'i aurà d'importants.

Ja la mobilizacion s'anóncia fòrta e diversa. Vendra de totes las regions occitanas. Aquò farà una manifestacion que deu arribar a las aurelhas de totes los candidats a las diverssas eleccions, a las aurelhas de totes los responsables politics.

Devèm èstre ausits. Ja sabèm que Carcassona obliguèt de responsables a se pausar de questions e a metre en plaça de causas novèlas en favor de la lenga. Cal encara aumentar la pression. Lutam per quicòm de juste, d'important per l'avenir de nòstre país e del monde, per l'avenir dels occitans.

Mercés de vos mobilizar tre ara e de començar de preparar lo viatge per Besièrs. Una granda fèsta amb fòrça artistas occitans clavarà la manifestacion lo ser del 17 de març. I aurà de qué manjar, de qué far la fèsta e mostrar que sèm vius e determinats.

« Anem ! Òc ! Per la lenga Occitana !

Lo collectiu : IEO – Felibrige - FELCO - Calandreta - Òc-Bi - Conselh de la Joventut

Una amassada del Comitatz d'organizacion se debanarà a Besièrs lo 15 de novembre que ven a 9h 30 al CIRDOC. Es una amassada qu'es dubèrta. Podètz venir o nos podètz tanben mandar de prepausicions abans aquel acamp.

Total Festum 2006 : una consequéncia de Carcassona 2005 ? Benlèu ben...

Total Festum dins la premsa : http://creo-mp.chez-alice.fr/actualite_creo.html

Se podètz completar aquela revista de premsa, serà plan, metrem totes los articles en linha, en particular lo n° especial de *la Gazeta*.